## 66. Burgrecht von Wilhelm VIII. von Montfort-Tettnang mit Zürich 1475 Oktober 25

Wilhelm VIII. von Montfort-Tettnang urkundet, dass er vor einiger Zeit für zehn Jahre als Bürger der Stadt Zürich aufgenommen worden sei und jetzt mit seinem Schloss, der Stadt und der ganzen Grafschaft Werdenberg mit Leuten, Gütern und aller Zubehör zu ihrem ewigen Bürger aufgenommen werde. Wilhelm kann das ewige Burgrecht mit 600 Gulden auflösen. Bei der Vereidigung eines neu gewählten Burgvogts muss eine Gesandtschaft der Stadt Zürich anwesend sein.

Der Aussteller siegelt.

- 1. Das Burgrecht Wilhelms VIII. von Montfort-Tettnang, Herr von Werdenberg, mit Zürich dient als Beispiel vieler Burgrechtsbriefe, die von Adeligen in der Region Werdenberg mit einem eidgenössischen Ort eingegangen wurden. Die vorliegende Urkunde ist vor allem deshalb interessant, weil sie ausführliche Artikel zu den gegenseitigen Pflichten und Rechten des abgeschlossenen Burgrechts enthält. Für Zürich bedeutet die Burgrechtsbeziehung eine erhöhte militärische, politische und rechtliche Einflussnahme im Gebiet Werdenberg durch die Offenhaltung von Burg und Stadt Werdenberg, durch die Gegenwart bei der Vogtwahl sowie durch die Entscheidungsgewalt bei Konflikten zwischen dem Graf und seinen Gemeinden, nicht jedoch bei Konflikten zwischen Graf und Privatpersonen. Im Gegenzug gewährt Zürich dem Grafen bei Bedarf die Unterstützung durch ihre Gesandten sowie militärischen und rechtlichen Schutz (zum Burgrecht allgemein vgl. HLS, Burgrecht).
- 2. Nach dem Tod von Graf Wilhelm VIII. von Montfort-Tettnang tritt als sein Nachfolger am 2. Juni 1483 sein «Schwiegersohn», Graf Johann Peter von Sax-Misox, nach der Übernahme der Grafschaft Werdenberg mit Zürich in ein Burgrecht. Die Urkunde enthält den inserierten Burgrechtsbrief von Graf Wilhelm VIII. von Montfort-Tettnang (StALU URK 207/2986). Die späteren Burgrechtsurkunden sind viel knapper formuliert.
- 3. Frühere Burg- oder Landrechte: Am 6. Juli 1405 tritt Elisabeth von Sax-Hohensax, geborene Gräfin von Werdenberg-Sargans, in das Landrecht mit Appenzell und übergibt die Burg Hohensax (UBSG, Bd. 4, Nr. 2345; Zellweger, Urkunden, Bd. 1/2, Nr. 176). Am 24. November 1434 nimmt Zürich Kaspar von Bonstetten, dessen Vater bereits Zürcher Bürger war, mit den Burgen Uster und Hohensax mit all seinen Leuten und Gütern in ein ewiges Bürgerrecht auf (StAZH C I, Nr. 265). Am 30. März 1488 tritt Ulrich VIII. von Sax-Hohensax in ein Burgrecht mit Zürich (StASG AA 2 U 11). Weitere Burgrechte der Sax-Hohensaxer sowie allgemein zum Burgrecht mit Zürich vgl. StAZH A 346.1.1, Nr. 38; StASG AA 2 U 30a (Ulrich Philipp von Sax-Hohensax); LAAI B.I:76; StAZH C I, Nr. 3222 (Johann Philipp mit seinen Brüdern); StAZH A 346.2.1, Nr. 100; B III 65, fol. 397r (Friedrich Ludwig von Sax-Hohensax).
- 4. Burgrechte der Herren der Grafschaft Werdenberg mit Luzern: Senn, Chronik, S. 99–102 (28.03.1493); LAGL AG III.2424:001a (06.10.1498). Nach dem Kauf der Grafschaft Werdenberg durch Glarus bezahlt Glarus jährlich der Stadt Luzern 15 Gulden Bürgerrechtsgeld. Ab Mitte des 17. Jh. erhöht sich das Bürgerrechtsgeld auf 33 Gulden (vgl. dazu die Quittungen von Luzern in der Schachtel LAGL AG III.2414:003–034).
- 5. Nicht nur Adelige, sondern auch Landleute einer Herrschaft schliessen Burg- und Landrechte ab: Vgl. z. B. das Burgrecht der Landsgemeinde Sarganserland mit Zürich vom 21. Dezember 1436 im Alten Zürichkrieg (SSRQ SG III/2.1, Nr. 47). 1405 treten Leute der Sax-Hohensaxer zusammen mit dem unteren Rheintal in den von Appenzell geleiteten Bund ob dem See ein: In der Urkunde vom 16. Oktober 1405 werden u. a. die enthalb Reihns, Sax halb zu in gehören, zu Gambs und anderswo als dem Bund zugehörige Leute genannt (VLA 1611; vgl. dazu Bilgeri 1968, S. 46; Burmeister 2005, S. 10–26; Deplazes-Haefliger 1976, S. 111).

Wir, Wilhelm, gräffe von Montfort und herre zů Werdemberg etc, tůnd kunt allermengklichem und verjechent offenlich mit disem brieff, als uns vor ettwas

jären die fürsichtigen, fromen und wisen, der burgermeister, die rått und burgere, der statt Zürich, unser besundern, guten fründ, mit ünserm schloß, ünser statt und ünser gantzen gräffschafft Werdemberg mit lüten und mit güte und aller zügehörung zechen järe zü einem burger uffgenomen und empfangen habent, wie das die brieff, darumb einandern beidersite gegeben, zöigent. Das demnach wolbedächtenklich uns, vorgenanten gräff Wilhelmen von Montfort, und alle ünser erben und nachkomen die obgenanten unser getrüwen fründe zü Zurich mit ünserm schloß, ünser statt und ünser gantzen gräfschafft Werdemberg mit lüten und mit güt und aller zügehörung zü irem ewigen burger uffgenomen und empfangen habent, wie das hienach von einem an das ander geschriben stät:

[1] Des ersten, das wir, derselb gräff Wilhelm, unser erben und nachkomen mit der obgenanten unser herschafft Werdemberg, schloß, statt, luten und gut und aller zugehörung der obgeseiten unser frunden von Zurich ewiger burger nach ir statt recht, wie ir stattbuch das wiset, sin söllent und wellent. Und ouch wir, derselb gräff Wilhelm, einen eide zu gott und den heiligen gesworn habent, für uns, unser erben und nachkomen den egenempten unsern frunden von Zurich mit unserm egenanten schloß, unser statt und unser gantzen gräfschafft Werdemberg mit luten und gut und aller zugehörung gehorsam und gewertig ze sind und damit und in sölichem ewigen burgrecht deheinen andern schirm, burgrecht noch landtrecht gen niemant an uns zenement und ouch dehein endrung mit verpfenden, versetzen noch verkouffen mit dem fürtzenement noch ze tunde, denn mit derselben unser frunden zu Zurich wissen, willen und verhengnusse.

Und doch, so habent unser frund von Zurich uns, gräff Wilhelmen vorgenant, unsern erben und nachkomen in sölichem zu gelässen und verwilliget, ob wir fürbaßhin deheinest nach gestalt und gelegenheit unser und ir geschäfften, wie die je zu ziten an inen selbs werint, ir burger nit sin und bliben möchtent oder wöltent, das wir, unser erben und nachkomen inen das mit sechs hundert guldin, inen und iren nachkomen die also bar ze betzalent und zegebent, uffgeben und sy das also von uns uffnemen söltent und das ewig burgrecht by crefften beliben und bestän, alle diewile und inen die sechs hundert guldin nit betzalt und ussgericht werint.

[2] Zů dem andern, ob unser obgenanten frund von Zurich und ir nachkomen von ir oder der iren wegen furbaßhin deheinest ze schaffent, gewunnent oder hettent, das sy des egenanten unsers schloß und der statt Werdemberg dartzů notturfftig ze bruchent wërent, das inen die dartzů offen sin und sy die zů iren und der iren noten und geschäfften wol bruchen mogent in irem costen und an unsers, des vorgenanten gräff Wilhelms, und unser erben und nachkomen mercklichen schaden. Und doch sy in das schloß Werdemberg nit mer legen, denn iren hoptman selbtritt, es wurde sich denn begeben, das die iren alle des

schlosses darin zekoment notturffig sin wurdent, das denn sy alle darin gelassen werden und darinne in irem costen und uns unwüstlich und unschedlich sin söllent.

[3] Zů dem dritten, ob wir, vorgenanter grāff Wilhelm, unser erben und nachkomen oder die unsern obgemelt zů unsern anligenden geschäfften der obgeseiten unser guten frunden von Zurich bottschafft, uns die zu zeschickent, deheinest begertent, das sy uns die an end und stett, dahin sy die sorgenhalb bringen mögent, in unserm costen lihen und zu geben söllent, uns das beste zu räten und zu helffen und wie sy die andern iren burgern ouch zugebent und lihent.

[4] Zů dem vierden, ob wir, obgenanter gräff Wilhelm, ald die unsern oder unser erben und nachkomen in werung dis ewigen burgrechtz, wie obstät, hinfür zů unsern nöten und geschäfften unser dickgenanten frunden von Zurich hilffe notturfftig wurdent, das sy uns die in unserm oder der unsern costen zů schicken und tůn söllent, wie sy je zů ziten bedunckt, das wir des notturfftig sigint und an der hilffe, so uns also zůschickent, wir ouch der zite ein benügen haben. Und das sy uns, obgenant, also als ir burger getruwlich schutzen und schirmen söllent und wellent, wie sy ander ir burger schirment und schutzent, ye nach irem besten vermugen und ungevarlichen.

[5] Zů dem funfften, das wir, vorgenanter grāff Wilhelm, unser erben und nachkomen den egenanten unsern frunden von Zurich von disem ewigen burgrecht, wie obstāt, jerlich uff sant Martis tag [11. November] zů sture geben söllent zwentzig güter Rinscher guldin ir statt secklern als zů ir statt handen ān iren costen und schaden. Und das jetz uff sant Martis tag nëchst koment beschechen und in die ewikeit angefangen zů geben werden. Und damit wir inen jerlich gentzlich gesturet haben und uns von inen dehein ander oder merer sture uffgelegt werden sol.

[6] Zů dem sechsten, das wir, egenanter gräff Wilhelm, einen vogt erkiesen und setzen mögent, wenn und wen wir wellent, und doch mit dem underscheid, wenn wir einen vogt in eyde uns zeswerent nëment, das wir denn unser vorgenanten guten frunden von Zurich bottschafft daby zu gegne haben und wir demselben vogt allwegen in den eyd gegeben werden lässen söllent, unser obgenant schloß, statt und herschafft Werdemberg nach unserm abgang zu der edeln, wolgebornen fröwen, from Menten von Montfort, geborn von Hewen, frygin, unsers lieben elichen gemachels, nach ir verschribungen, ouch unser beider kinden zu irem vätterlichen erbe und unserm verläßnen gut und unsern vorgenanten frunden von Zurich, ouch zu irem rechten, dis burgrechts halben handen und gewalt innzeheben und also zebehalten, getruwlich än alle arglist und ungevarlich.<sup>1</sup>

[7] Zů dem sibenden, ob wir, obgenanter grāff Wilhelm, by userm leben yemant die obgenanten herschafft in der gestalt und, wie obstāt, uber und in gebint, das denn die selben dis ewig burgrecht nach siner begriffung ze halten

und zevolfurent sweren söllent, wie das von uns, gräff Wilhelmen, beschechen ist und das die denn demnach daby beliben söltent.

[8] Zů dem achttenden, ob wir, obgenanter gräff Wilhelm, unser erben und nachkomen mit den unsern einer gemeind ald ein gemeind mit uns oder ir nachkomen zweyträchtig und uneins wurdent, da gott vor sin welle, das wir darumb einandern vor unsern obgeseiten frunden, burgermeister und rätt zu Zurich, eins rechten und ußtrags sin und des sy sich nach unser beider teilen verhörung erkennent und sprechent, daby beliben und dem nachgän und das vollfüren und halten söllent und wellent än fürer ziechen und wegern und än widerred.

[9] Zů dem nunden, ob wir, obgenempter gräff Wilhelm, unser erben und nachkomen zů den unsern in der obgenanten unser herschafft gesessen als zů sundern personen, einer oder mer, zů sprechen hettent oder gewunnent, das wir die vor unserm stab furnëmen und das da berechtigen lässen söllent und wellent. Und ob sunder und eintzig personen, eine oder mer, zů uns ze sprechen hettent oder gewunnent, das wir mit inen des vor unsern geswornen råten furkomen und inen da rechtz gestatten und sin wellent und söllent.

[10] Zů dem zechenden, das uns, vorgenanten grāff Wilhelmen, die egeseiten unser frund von Zurich by dem obgeschribnen burgrecht und artikeln und by unser jetzigen gewaltigen regierung unser leptag und nach unserm tod, ouch unser erben und nachkomen hanthaben, schutzen und beschirmen söllent und wellent, mit güten truwen und an all argliste und in allweg ungevarlich und als ander ir getruwen und lieben burger.

[11] Und zů dem einlifften, so habent wir, vorgenanter grāff Wilhelm, in disem burgrecht uns selbs vorbehept und uns unser frunde von Zurich ussgelāssen den eyde, so wir dem heiligen Römischen rich als ein grāff des richs getān hand, was uns der von des richs wegen bindet, und doch in ander wege disem burgrecht, wie das da ob von einem an das ander geschriben stāt, gentzlich unschedlich.

Und zů wārem und vestem urkund aller vorgeschribner dingen, so habent wir, obgenanter grāff Wilhelm, unser insigel für uns und unser erben und nachkomen, die wir dartzů vestenklich verbindent, offenlich lassen hencken an disen brieff, der geben ist uff mittwuchen vor sant Symon und Judas tag, der heiligen zwölffbotten, als man zalt nach der gepurt Cristy, unsers herren, viertzechenhundert sibentzig und fünff jāre.

[Vermerk auf der Rückseite von Hand des 15. Jh.:] Herren grave Wilhelmms von Mondtfort zu Werdemmberg burgrecht, so er mit uns von Zurich hant

[Registraturvermerk auf der Rückseite:] 1475; N. 1

**Original:** StALU URK 206/2981; Pergament, 54.0 × 37.0 cm (Plica: 7.0 cm); 1 Siegel: 1. Graf Wilhelm VIII. von Montfort-Tettnang, Wachs in Schüssel, rund, angehängt an Pergamentstreifen, gut erhalten.

<sup>1</sup> Die Herrschaft inklusive Burgrecht bzw. Bestimmungen des Burgrechts gehen an die Erben über.